



Viafier retica è bain sin viadi

La Viafier retica che ha gi in bun onn da manaschi ha salvà sia radunanza generala a Versomi.

2



Hassler energia alternativa

Christ-Andri Hassler è il nov manader da la firma Hassler energia alternativa che ses bab ha fundà.

6

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Ils campions grischuns e tiradurs da Castrisch: Robert Studer, David Solèr, Robin Studer, Mattiu Cabalzar, Hermann Jemmi (da san.). FOTO G. N. STIGIER

Castrisch è puspè qua!

■ (anr/gns) Success per ils tiradurs da Castrisch tar il final grischun da gruppas a Cuira. L'antier campion svizzer e grischun è turnà sin la via da success. La gruppa è vegnida campionesa grischuna tar il final chantunal da gruppas en la categoria E, la categoria cun armas da militar. Persvas tar quella occurrenza ha lura

er Castrisch en la categoira A, arma da sport, cun cuntanscher il quart post. Mancà be per dus puncts il terz plaz ha la gruppa da Degen, ella ch'è sa participada en la categoria D nua ch'igl è vegni sajettà cun l'arma da militar e cun l'arma da militar 57/03.

> PAGINA 8

Samignun ha resunà

■ (anr/bcs) In Samignun ha gnü lö d'incuort la settavla ediziun dal proget da musica «Ün cumün resuna». La Scoula da musica Engiadina Bassa/Val Müstair ha organisà l'inscunter per dar a sias scolaras e seis scolars la pussibilità da pudair preschantar ad ün vast public. Sco cha'l manader da la scoula Roberto Donchi ha dit es il proget eir üna fich buna pussibilità per muosar als genituors

las differentas pussibilitats da far musica e la gronda schelta d'instrumentaints. Bundant 250 scolaras e scolars d'ieran preschaints in Samignun ed han muosà lur savair musical. Il success da la festa dà impuls ed eir curaschi per cuntinuar cul proget «Ün cumün resuna» i'l prosem on darcheu in ün oter cumün.

> PAGINA 7



Üna gruppa da chant ha inchantà al vast public.

FOTO B. STECHER

Salischinas sco purschida regionala

In'uniun duei dar nova forza per realisar il project denter Rabiis e Surrein

DA HANS HUONDER / ANR

■ Il project per ina zona da sport cun lag a Salischinas denter Rabiis e Surrein vegn purtaus ussa d'ina uniun. Sils exponents da quella spetga bia lavur. Uniun dat forza. Tenor quei motto ha la cuminonza d'interess pil lag a Salischinas clamau alla fundaziun d'ina uniun. Rodund 140 persunas han dau suatientscha agl invit e tenor informaziuns dalla suprastonza dumbra l'uniun gia varga 160 commembers. Malgrad quei grond sustegn ed interess san ils emprems suprastonts dall'uniun ch'il temps vegnent ei curclaus cun bia lavur. Quella pertucca buca mo las cundiziuns legalas per saver realisar il project, mobein era igl acquist dil terren. Quel ei per rodund inatierza en possess privat. La finanziaziun dil project cun ina calculaziun approximativa da sis entochen diesch milliuns francs taxescha il president dall'uniun, Rino Caduff da Glion, per sliabiela: «Ei dat differentas fontaunas che nus lein empruar da nezegiar.» Dues il project daventar concret e realisabels vegn ina societad acziunara probablamein ad esser la purtadra. Il project preveda in lag da



Visualisaziun dalla zona da sport cul lag da far bogn e la tratga da pèschs a Salischinas.

MAD

far bogn, in lag da pescar, ina tratga da pèschs sco era kiosc e parcadis. Medemamein vegn fatg ponderaziuns da porscher elements da divertiment sco per exempel la pussevividad dad ir

cun skis d'aua sil lag. Davart dalla suprastonza communal da Sumvitg vegn l'iniziativa beneventada. Sin fundament dalla midada dil clima survegnan projects pil turissem da stad en muntogna

adina dapli impurtonza. Las temperaturas s'augmentan e cheutras vegn la gliued a tschercar ils cuolms.

> PAGINA 3

Chor mishedau Suraua e Chor kontra.cant

■ (anr/f) La sonda vargada ein ils dus chors sepresentai ella baselgia da Pleif a Vella cul concert da primavera. La sfera dalla natira ei stada cuntegn dil concert. Plinavon ein entginas canzuns liturgicas resunadas. «Glischs polaras» ha il dirigent Flavio Bundi numnu il concert.

Treis cumponists dil nord han derasau l'atmosfera dils cametgs polaras. Las biaras canzuns dadas dils dus chors derivan denton ord la plem da Flavio Bundi. Il giuven ch'ei entusiasmaus dil cant e dalla musica sa inflammar ses cantadurs e sias cantaduras per il bi art.

Aschia ei il concert staus ina serenada delectonta per igl auditori. Ils dus chors mishedai entupein nus puspei en in'jamna alla fiasta da cant a Falera.

Els ein bein preparai per schar giudicar lur producziuns.

> PAGINA 3

«Ti audas e miras era cul cor»

Bryan Cyril Thurston expona ella Medelina a Curaglia

DA HANS HUONDER / ANR

■ Ina vegliadetgna dad 83 onns ed aunc adina spir activitad. Igl artist Bryan Cyril Thurston muossa in tschuppel da sias ovras ella Medelina a Curaglia. La vernissascha dall'exposiziun che cuoza entochen ils 10 da settember 2017 ha giu liug la sonda vargada. Da veser ein ils proxims treis meins aquarels, gra-

vuras, collaschas ed art cun objects. Thurston ei in artist particular, buca mo pervia da sias ovras abstractas. Era ell'architettura – sia clamada – eis el adina ius vias nunconvenzionalas. «Ils Svizzers ein memia pauc curaschus ed aviarts per caussas novas. Per els stat il success el center e lez lubescha apparentamein buca gronds experiments», di igl artist oriund dall'Engeltiara. Da-

pi 1955 habitescha el en Svizra. En siu art sefatschenta el per gronda part dalla natira e la cultura. Biaras ovras dalla Greina ni dil contuorn da quella dattan perdetga da sia predilecziun per las Alps. «Ellas regordan mei vid las muntognas en Scozia e Wales», di igl artist che viva el cantun Turtig.

> PAGINA 4



Bryan Cyril Thurston e sia consorta Cécile ella caplutta da s. Brida a Biscuolm en Val Medel. Ina skizza dil matletg digl altar ei da veser sco aquarel ell'exposiziun ella Medelina.

FOTO H. HUONDER



20023

Servetsch d'abunents e da distribuziun: tel. 0844 226 226 mail: abo@somedia.ch

9 771424 749004